



DEVENTE SCRITÔR ANÇJE TU!

Ise une maniere par viazâ cence movisi? Par scuvierzi gnovis tieris cence scugnî lâ a viodilis e tocjâlis cun man? Ce disêso? Il cine? La television? Lis imagjinis dai documentaris? Po no po!



Ve chi Lis Pretis Par Scomençâ
Provait a immaginâ di jessi un nemâl e di cjalâ il mont cui siei voi. Se o fossis un cjan, par esempi, ce paron us plasaressial vè? Di ce varessiso pôre?

Tenta di scrivi in 100 peraulis ce che us ven tal cjâf. Cirî di lassâ che a sedin lis azions a fevelâ, no stait a dî nuie di masse ma curait i details. Se dopo o immaginâs alc altri, slargjait il test a 200 e po a 300 lant simpri daûr aes stessis regulis.

O varès zaromai scrite une piçule conte. Al è clâr che o vès di cjalâ il mont dal bas, parcè che un cjan al à la visuâl di un frutin piçul o pôc di plui. No us plasiâ cjalâ il mont dal bas? Alore provait a pensâ di svolâ. Imagjinait di jessi une sisile o une acule. Cemût si viodial il mont cui lôr voi? Scrivêtu. Prin de tecniche, tirait fûr il cûr. Al sarâ il vuestri prin incuintri cu la leterature. E une volte che si stice il snait di contâ, o viodarès che i imprescj dal mistîr ju impararès un tic a la volte. Par sburtâ il gust di contâ lis vuestris storiis lait a dâ un cuc a "Scolte&Conte", il prin laboratori di sciture narrative par furlan e domandait di Walter: dutis lis informazions su www.bottegaerrante.it e www.ondefurlane.eu



Rispuint come Proust



Non **MATILDE**

Etât

Dulà sêstu a stâ

Ce ti plasiâ de tô citât/dal to paîs

Ce no ti plasiâ de tô citât/dal to paîs

Miôr ami o amie

Il to difiet

Il difiet dai tiei gjenitôrs?

La ultime volte che tu âs vaiût

Lis vacancis plui divertentis

Il colôr che ti plâs di plui

Il nemâl che ti plâs di plui

Ce robe ti avilissie

Ce no ti plasiâ fâ

Ce ti fasiâ pôre

Ce volaressistu fâ di grande/grant

Il libri o film che ti à plasût di plui

I nons che ti plasin di plui

Robe di bevi preferide

Robe di mangjâ che ti plâs di plui

Personaç preferit/preferide

Il to pipinot

Baste vierzi un libri e lassâsi puartâ dulà che il so autôr al à voie di menânus.

Lei nus permet di fâ robis di no crodi: voltant lis pagjinis di un libri o podin lâ indevant e indaûr tal timp e tal spazi, spostantsi - ce saio jo? - de ete di Rome antighe a chê di Napoleon, lant su la Lune o fin in Patagonie.

E no bisugne dismenteâsi che lei nus jude a frontâ une aventure ancjemò plui impuartante: scrivi. Cuant che o scrivin o podin fâ robis pardabon straordenaris. No crodêso? Provin a fâ un esercizi che duçj voaltris o podaressis fâ di bessôi par viodi cetant brâfs che o sês.

LA FILASTROCJE

PIERI SI VOLTE

E jere une volte, Pieri si volte. I cole la scope, Pieri si cope; i cole il curtis, Pieri al vuaris; i cole il taulin e Pieri al bêf il vin.



CE ISAL?

O sin lâts sul barcon e o vin viodude une fete di melon. La rispueste tal prossim numar!

PIRON È SEDON

Il colaç di none Lina... un dolç di une volte

Ce che al covente:

l'impast dai gnocs di patatis la plote cjalde dal spolert

La robe bieie di cuant che si fasin i gnocs di patatis, al è doprà un pocje di paste par preparâ un dolç tant facil e tant bon: il colaç!

Une volte il colaç al jere il regâl de cresime: il regâl dal santul e jere une bieie golaine di colaçs. Cheste di vuê e je une version plui svelte, o miôr un truc par evitâ di mangjâ masse gnocs crûts che a po a fasin mâl di panze.

UNE RIDUÇADE...



Il frut al pari: Ise vere che lis carotis a fasin ben ai voi? E so pari: Sì, ve! Âstu mai viodût un cunin cui ocjâi?

AHHH! LA RISPUESTE DAL NUMAR STÂT

Meti il cjalçut

Come che us vin dit la setemane passade, tignît di bande un sarpint di paste, ma ancje plui di un parcè che un colaç di bessôi nol baste mai!

Par fâ il colaç bisugne fâ su la paste come che si viôt te foto achì dongje.

Par cueilu baste poiâlu su la plote cjalde dal spolert e lassâ che la paste si scurissi un pôc e e fasi une bieie crostute. Cuant che si stache al è cuet e pront par jessi mangjât... ma plan, sta atent di no scotâti la lenghe!

E se il spolert no tu lu âs, o nol è ancjemò piât, alore dopre une fersorie antiaderente, però si sa che cul fûc al ven dut plui bon ☺

